



Broj: 06-11-2393/20-23 veza Ž
Ilidža, 02.08.2023. godine

Na osnovu člana 100. stav (3) Zakona o javnim nabavkama ("Službeni glasnik BiH" broj: 39/14 i 59/22), rješavajući po žalbi ponuđača FM INŽENJERING d.o.o. Sarajevo, izjavljenu na Rješenje broj 06-11-2393/19-23 veza Ž od 17.07.2023.g. u postupku JN 39/23 Lot 2 "Nadzor na realizaciji projekta Sanacija, rekonstrukcija i asfaltiranje saobraćajnica drugog reda na području općine Ilidža", općinski načelnik donosi:

RJEŠENJE

I

USVAJA SE žalba izjavljena od strane ponuđača FM INŽENJERING d.o.o. Sarajevo, na Rješenje broj 06-11-2393/19-23 veza Ž od 17.07.2023.g. za nabavku usluga "Nadzor na realizaciji projekta Sanacija, rekonstrukcija i asfaltiranje saobraćajnica drugog reda na području općine Ilidža" LOT 2, **kao osnovana.**

II

Stavlja se van snage Rješenje broj 06-11-2393/19-23 veza Ž od 17.07.2023.g.

III

Odluka o izboru najpovoljnijeg ponuđača za JN 39/23 Lot 2 br. 06-11-2393/23-8 Lot 2 od 27.06.2023 stupa na snagu po pravosnažnosti ovog Rješenja.

Obrazloženje

Ugovorni organ je odlukom broj: 06-11-2393/23-1 od 30.03.2023. godine pokrenuo otvoreni postupak nabavke usluga "Nadzor nad poslovima sanacije, rekonstrukcije i asfaltiranje saobraćajnica prvog, drugog i trećeg reda na području općine Ilidža (3 LOTA)".

Broj obavještenja sa Portala javnih nabavki: 888-1-2-98-3-79/23 od 06.04.2023.g. Procijenjena vrijednost nabavke za LOT 2 iznosi: 8.551,36 KM bez PDV-a.

U navedenom postupku donesena je Odluka o izboru najpovoljnijeg ponuđača broj 06-11-2393/23-8 od 03.05.2023.g. Na navedenu Odluku ponuđač IPSA INSTITUT doo je izjavio žalbu koju je ugovorni organ usvojio i nakon provedene e aukcije donio Odluku o izboru najpovoljnijeg ponuđača broj 06-11-2393/23-8 Lot 2 od 27.06.2023.g. kojom je ponuda ponuđača FM INŽENJERING doo Sarajevo proglašena najpovoljnijom. Na navedenu odluku ponuđač SMAJIĆ INŽENJERING d.o.o. je izjavio žalbu koju je ugovorni organ usvojio Rješenjem broj 06-11-2393/19-23 veza Ž od 17.07.2023.g.

Na navedeno rješenje ponuđač FM INŽENJERING doo Sarajevo je izjavio žalbu koja je kod ovog organa zaprimljena 31.07.2023.g. i protokolirana pod brojem 06-11-2393/ 20-23 veza.

Postupajući po predmetnoj žalbi, u skladu sa članom 100. Zakona o javnim nabavkama ugovorni organ je utvrdio da je žalba blagovremena, dopuštena, izjavljena od ovlaštenog lica i lica koje ima aktivnu legitimaciju.

Žalilac osporava Rješenje 06-11-2393/19-23 veza Ž od 17.07.2023.g. navodeći da je Smajić Inženjering doo bio "...upoznat da je diskvalifikovan odlukom o izboru najpovoljnijeg ponuđača za javnu nabavku broj 39/23 broj 06-11-2393/23-8 od 03.05.2023.g. uz koju je dostavljen i Zapisnik o ocjeni ponuda gdje je diskvalifikovani ponuđač imao rok od 10 dana od dana zaprimanja odluke da izjavi žalbu. Nadalje, ukoliko je bilo kakvih primjedbi na iznose koji su uneseni u Zapisnik sa otvaranja ponuda ponuđač Smajić-Inženjering je u skladu sa članom 101. stav 1 tačka c imao rok 5 dana da podnese žalbu ugovornom organu."

Razmatrajući žalbeni navod žalioaca, ugovorni organ utvrđuje da je ponuđač Smajić inženjering doo izjavio žalbu suprotno odredbi člana 101. stav (7) Zakona o javnim nabavkama kojom je propisano "Žalilac koji je propustio izjaviti žalbu prema odredbama st. (1) i (5) ovog člana gubi pravo tražiti ispitivanje zakonitosti po istom osnovu, u kasnijoj fazi postupka.", te se žalba ponuđača FM Inženjering doo ima smatrati osnovanom. S obzirom da se ovim Rješenjem stavlja van snage Rješenje broj 06-11-2393/19-23 veza Ž od 17.07.2023.g., Odluka o izboru najpovoljnijeg ponuđača za JN 39/23 Lot 2 br. 06-11-2393/23-8 Lot 2 od 27.06.2023 stupa na snagu nakon pravosnažnosti ovog Rješenja.

Imajući u vidu navedeno odlučeno je kao u dispozitivu ovog Rješenja.

Pouka o pravnom lijeku:

Protiv ovog rješenja može se izjaviti žalba URŽ-u, putem ugovornog organa, u roku od deset dana od dana prijema rješenja.



DOSTAVLJENO:

1. SMAJIĆ INŽENJERING d.o.o. Goražde
ul. Zaima Imamovića bb, Goražde
2. UNIS Institut za ekol., zašt. na radu i zašt. od požara d.o.o.,
ul. Srpskih ratnika 35 Pale
3. IPSA INSTITUT d.o.o. ul. Put života bb, Sarajevo
4. ARTING BH d.o.o. Nikole Šope 9 Ilidža
5. FM INŽENJERING doo Latička 14A/2 Sarajevo
6. Služba za zajedničke poslove radi objave na web
7. Služba za komunalne poslove i infrastrukturu
8. a/a

Izradila: Enisa O.M.

Kontrolisao: Benjamin M.

